

Siunissami aningaasat

Danmarkimi aningaasat pisariaqartinneqarput – aamma siunissami. Aningaasat aamma siunissami akiliutissatut isumannaatsuunissaat sunniuteqarluarnissaallu qulakkeerniarlugu, aningaasat pappialat ilusaanni isumannaallisaanertaannilu teknologikkut ineriartorneq sioqqutaarneqartariaqarpoq. Taamaattumik Nationalbanken aningaasanik pappialanik tulleriiaanik nutaanik atuutilersitsiniarpoq, 2028-2029-mi naatsorsuutigineqarluni, aammalu aningaasat pappialat tulleriiaat pisoqaaneruset atorunnaarsikkiartuaarneqassallutik. Taamaattumik aningaasat pappialat tulleriiaat allat, maannakkut tulleriiaanit 2009-meersunit allaaneruset tamarmik (ikaartarfittallit itsarsuarnisartallilu) 31. maj 2025 kingorna atorunnaassapput. Aningaasani pappialani tulleriiaani atorneqalertussani 1000-koruuni pappialaq ilaassanngilaq, aammalu 1000-koruuni pappialaq maannakkut tulleriiaani ilaatinneqartoq 31. maj 2025 kingorna Danmarkimi akiliutigineqarsinnaasutut aamma ilaatinneqarunnaassalluni.

Attaveqarfissaq**Teis Hald Jensen**

Attaveqatigiinnermut
tusagassiortunullu siunnersuisartoq
tehj@nationalbanken.dk
+45 3363 6066

Peter Levring


Attaveqatigiinnermut
tusagassiortunullu siunnersuisartoq
pnbl@nationalbanken.dk
+45 33636383

**Aningaasat
pappialat nutaat**

2028-2029-mi
atuutilersinneqassapput

**Aningaasat pappialat
pisoqaaneruset**

31. maj 2025-p
kingorna atorunnaassapput

**1000-koruuni
pappialaq**

31. maj 2025-p
kingorna atorunnaassaaq

Danmarkimi aningaasat pisariaqartinneqarput – aamma siunissami

Danskit ilaasa aningaasat ulluinnarni akiliutissatut sulii pingaartippaat, allallu taakkua pikuerniarfinni, inuuissioortunut tunissutissanut imaluunniit meeqqat kaasarfimmiusaannut pisariinnerutippaat. Ilai aningaasanik tigummiaminnik atuisarput, pissutigalugu elektroniskini akiliutissatut atuinissaq toqqissisimanarinnginnamikkku. Allanut aningaasat ullumikkut takussutissaanerutut ullumikkut pingaaruteqarput. Ullumikkut pisiniarfinni akiliisartut 10-uppata ataaseq sulii aningaasanngorlugu akiliisarpoq.

Nationalbankenip aningaasaatinik misissueqqissaarnerata takutippaa, sulii Danmarkimi aningaasanik pisariaqartitsisoqartoq – aammalu danskit aningaasanik isumannaatsumik sunniuteqarluartumillu akiliutissatut atuisinnaasariaqartut. Aningaasat pappialat maannakkut atorineqartut, Danmarkimi ikaartarfinnik itsarsuarnitsanillu assiliartallit 2009-meersuupput, aammalu inuiaqatigiinni suliaasaqarfinni allani tamaginni taamanikkulli teknologikkut ineriartortoqarpoq – aamma aningaasanik pappialanik peqquserlulluni allannngortitsiniarsarisartut akornanni.

Aningaasat ullumikkut aammalu ukiuni aggersuni akiliutissatut sulii isumannaatsuupput. Kisianni danskit aamma siunissami aningaasat tigummia tikigissappasigut, ilusiligaaneranni tunisassiarineqarnerannilu teknologikkut ineriartorneq sioqqutaarneqartuaannartariaqarpoq. Taamaattumik Nationalbankenip aningaasanik pappialanik tullerriiaanik nutaanik ineriartortitsinissaq sulissutigalugu aallartippaq.

Aningaasat attatiinnarniarlugit allannngortippavut

Aningaasat isumannaatsumik sunniuteqarluartumillu akiliutissatut siunissamut isumannaarniarlugit Nationalbanken suliaasaqarfinni pingasuni suliniuteqarpoq:

1

Peqquserlulluni allannngortitsiniarsarneq pinngitsoortinniarlugu teknologiit nutaanerpaat aallaavigalugit Danmarkimi aningaasanik pappialanik tullerriiaanik nutaarluinnarnik peqalissaaq. Aningaasat pappialat nutaat taakkua 2028-2029-mi atuutilersinneqassasut naatsorsuutigineqarpoq, aammalu tullerriiaaniissapput 50-, 100-, 200-aamma 500-koruunit pappialat, kisianni 1000-koruuni pappialaq ilaassanani. Aningaasat pappialat nutaat taakkua nutaanik isikkoqassapput assiliartaallu qulequtaqassallutik. Aningaasat pappialat tullerriiaat nutaat taakkua kaaviiartussanngortinneqarpata, taakkua maannakkut ukiorpassuarni aningaasanut pappialanut tullerriiaanut atukkatsinnut taartaassapput.

2

Aningaasat pappialat allat, ikaartarfinnik itsarsuarnitsanillu assiliartalinnit (tullerriiaat 2009-meersut) allaanerutut tamarmik 31. maj 2025 kingorna akiliutigineqarsinnaajunnaarlutik atorunnaassapput. Taakkunani ilaatinneqarput aningaasat pappialat tullerriiaat pisoqaanerutut tamarmik – “tullerriiaanik taarserneqartussanik” (tullerriiaat 1944-meersut) taagorneqartuneersut, inuit assinginiq oqaluffinnillu eqqumiitsulianik assitallit tullerriiaat tikillugit ilanngullugillu (tullerriiaat 1997-meersut). Takukkit ilusiliaq 1-imi aningaasanut pappialanut tullerriiaanut ilaatinneqartunut takussutissiaq.

3

1000-koruuni pappialaq maannakkut aningaasani pappialani tullerriiaaniittoq ikaartarfinnik itsarsuarnitsanillu assiliartalik (tullerriiaat 2009-meersut) aningaasanut pappialanut tullerriiaanut pisoqaanerutut peqatigitillugu atorunnaarsinneqassaaq. 1000-koruuninik pappialanik nutaanik kaaviiartitsisoqarunnaassaaq, aammalu 1000-koruuni pappialaq 31. maj 2025-p kingorna akiliutigineqarsinnaajunnaassaaq.

Taamaalilluni 1. juni 2025 aallarnerfigalugu aammalu 2028-2029-mi aningaasat pappialat tullerriiaat nutaat saqqummersinneqarnissaasa tungaanut aningaasat pappialat tullerriiaat ataatsit atuutissapput aningaasat pappialat sisamaallutik: 50-, 100-, 200- aamma 500-koruunit pappialat. Takuuk titartagaq matuma ataaniittoq.

500-koruuni pappialaq isumannaallisaanikkut nutartigaq 2020-mi kaaviiartinneqalerpoq, aammalu 50-, 100- aamma 200-koruunit pappialat maannakkut tullerriiaaniittut isumannaallisaanikkut nutartikkat aamma 2024-p aallartinnerani aammalu 2025-mi kaaviiartinneqalissapput.

Aningaasat pappialat taakkua aamma tullerriiaat 31. maj 2025 kingorna atorunnaassapput

Aningaasat pappialat, atuukkunnaartussat

31. maj 2025 kingorna

2009

Ikaartarfiit aamma itsarsuarnitsat

Taamaallaat 1000-koruunit pappialat



1997

Inuup assingi aamma oqaluffiit eqqumiitsuliat

Aningaasat pappialat tamarmik



1972

Inuup assingi aamma uummasut

Aningaasat pappialat tamarmik



1952

Inuup assingi aamma pinngortitameersut

Aningaasat pappialat tamarmik



1944

Tullerriiaat taarserneqartussat

Aningaasat pappialat tamarmik



Aningaasat pappialat atuuttut

31. maj 2025 kingorna

2009

Ikaartarfiit aamma itsarsuarnitsat

Aningaasat pappialat tamarmik, 1000-koruuni pappialaq ilaanani



2025-mi
nutarterneqassapput



2024-mi
nutarterneqassapput



2024-mi
nutarterneqassapput



2020-mi
nutarterneqassapput

Uani nationalbanken.dk/fremtidenskontanter aningaasat pappialat atuukkunnaartussat

Allanngoriartortitsinissamut piffissaqarlualpoq

31. maj 2025 ilanngullugu innuttaasut suliffeqarfiillu sulii 1000-koruuni pappialaq aammalu aningaasat pappialat tulleriiaat pisoqaanerusut taakkua sulii akiliutigisinnaassavaat. Pisiniarfinni aammalu innuttaasut aningaaseriviillu akornanni akiliinerni.

1000-koruuni pappialaq aammalu aningaasat pappialat tulleriiaani 1997-imeersut aningaaseriviup aningaasanik tigusisarfiisigut namminerlu aningaaserivimmi kontomut, ikineqarsinnaassapput. Tigusisarfiit ilai aamma aningaasanik pappialanik sulii pisoqaanerusunik tigusisinnaapput. Innuttaasut suliffeqarfiillu aamma aningaasat pappialat tulleriiaat pisoqaanerusut 31. maj 2025 tikillugu aningaaserivimmi kontominnut ikisinnaassavaat.

Aningaaseriviit ataasiakkaat suliaqarnermi sullitaminnut kontomi aningaasanik ikisinissamut qanoq neqerooruteqartarnerat assigiinngitsuusussaavoq. Taamaattumik aningaaserivik qanoq aningaasat passunnissaannik neqerooruteqarnersoq, aammalu aningaasat qanoq annertutigisut aningaasallu pappialat sorliit aningaaseriviup aningaasanik tigusisarfiini tiguneqarsinnaanersut, innuttaasutut nammineq aningaaseriviup nittartagaa alakkarneqassaaq.

Aningaasat pappialat tulleriiaat nutaat – danskinut tamanut

Aningaasanik pappialanik tulleriiaanik nutaanik suliaqarneq aallarteqqammerpoq aammalu Nationalbankenip

2024-mi upernaap ingerlanerani

aningaasat pappialat tulleriiaat pisussat assiliartassaannut qulequtarineqarsinnaasunik nalilersuinermi danskit akuutinnissaat pilersaarutigaa. Tamatuma saniatigut aningaasat pappialat tulleriiaat qanoq pilertiartornerannut danskit ukiut aggersut ingerlaneranni paasisaqarnerulissapput.

Sooq aningaasat pappialat pisoqaanerusut atorunnaassappat?

Aningaasat pappialat tulleriiaat kingulliit tallimat 1944-meersunit tulleriiaanut nutaanerpaanut 2009-meersunut, tamarmik ullumikkut akiliutigineqarsinnaasutut akuerisaapput, aammalu pisiniarfiit suliffeqarfiillu, ikittuinnaat eqqaassanngikkaanni, taakkua akiliutissatut akuersaarnissaannik pisussaaffeqarput, kisianni pingaartumik tulleriiaanut pisoqaanerusunut sisamanut tunngatillugu suliaqarnermi atornissaannut periarfissat assigiinngilluinnartuupput: Aningaasat pappialat pisoqaanerusut 1997 sioqqullugu saqqummersinneqartut pisiniarfinni aamma namminersortut niuerfiini akiliutigiuminaassinnaapput, tassami innuttaasut pisiniarfinnilu sulisut aningaasanik

pappialanik tulleriiaanik pisoqaanerusunik taakkuninnga ilisarinnissinnaasut tigunissaanillu toqqissisimanarinittut ikittuinnaapput. Aningaasat pappialat pisoqaanerusut ilai aningaasanik tiguisarfinni aammalu pisiniarfiit aningaasanut periaasiini atorneqarsinnaapput, allallu atorneqarsinnaanatik.

Aningaasat pappialat assigiimmik atuuttut suliaqarnermi inuiaqatigiinni assigiimmik atorneqarsinnaannginnerat naleqqutinngilaq. Aningaasat pappialat assigiinngitsut qanoq atorneqarsinnaanerisa nalornissutigineqarnerani, siunissami aningaasaatit tatigineqarnerat ajoquserneqarsinnaavoq. Tamanna tunngavigalugu Nationalbanken aalajangerpoq aningaasat pappialat tulleriiaat pisoqaanerusut taakkua uterteqquniarlugit.

Sooq 1000-koruunit pappialat Danmarkimi aningaasani pappialani tulleriiaani ilaatinneqarunnaassappat?

Nationalbanken inuussutissarsiornermut ministerimut naapertuuttumik aalajangerpoq, 1000-koruuni pappialaq aningaasani pappialani tulleriiaani nutaani ilaatinneqassanngitsooq. 1000-koruuni pappialaq Danmarkimi akiliisarnerit isumannaatsuunissaasa sunniuteqarluarnissaasalu tunngavissinnissaannut pisariaqanngilaq.

Tamatumunnga ilaatigut pissutaavoq, aningaasaatit ullumikkut akiliinerit ingerlannissaannut atorneqannginnerusalernerat, aammalu aningaasanik akiliinerit nalingat amerlanertigut 500 koruuninit annikinnerusarnerat. Peqatigisaanik pinerlunnikkut aningaasarsianik malunnarunnaarsaanermut maleruagassat, aningaasanngorlugu akiliutigineqartut qanoq annertussuseqarnissaannut, killissaliipput.

Aningaasalersuinnermut suliassaqaarfimmi ataasiakkaanillu nioqquteqartartuni siusinnerusukkut oqaatigineqarpoq 1000-koruunip pappialap atorunnaarsikkiartuaarnissaa kissaatigalugu. Tamatuma ilaatigut pisiniarfinni utertussaqaarnissamik pisariaqartitsineq annikillissittussaavaa. Taamaalilluni innuttaasut aningaasanngorlugu akiliinissamut periarfissai killilersornagit, aningaasanik passussisarneq pisiniarfinni oqinnerulertussaavoq. Politiit peqatigisaanik naliliipput, 1000-koruunit pappialat, aningaasanut pappialanut allanut sanilliullugu, aningaasaqarnikkut pinerlunniartarnerit assigiinngitsunik ilusillit tunngavissinnissaannut atorneqarnerusartut.

Danskit aningaasaasa pappialat peqquserlulluni allanngortinneqartartut amerlassusii sulii killeqaraluartut, 1000-koruuni pappialaq peqquserlulluni allanngortinniarsarineqartartuni ilaatinneqartarnera annertusiartorpoq. Tamatuma aningaasanut tatiginninneq ajoqusersinnaavaa.

Taamaattumik 1000-koruuni pappialaq maannakkut aningaasani pappialani tulleriiaaniittoq ikaartarfinnik itsarsuarnitsanillu assiliartalik (tulleriiaat 2009-meersut) 31. maj 2025 kingorna aningaasat pappialat tulleriiaat pisoqaanerusut atorunnaarnerannut peqatigitillugu atorunnaarsinneqassaaq. Aningaasat pappialat tulleriiaat nutaat 2028-2029-mi naatsorsuutigineqartumi atulersinneqarpata, tassaniissapput 50-, 100-, 200- aamma 500-koruunit pappialat.

Kalaallit Nunaat aamma Savalimmiut

Aningaasat pappialat tulleriiaat Danmarkimi atorneqartut assingi Kalaallit Nunaanni atorneqassapput. Danmarkimi aningaasat pappialat pisoqaanerusut aammalu maannakkut 1000-koruuni pappialaq 31. maj 2025 kingorna atorunnaarsinneqarpata, taamaalillutik aningaasat pappialat taakkua aamma Kalaallit Nunaanni atorunnaassapput.

Savalimmiut nammineq pappialanik aningaasaqarpoq, Danmarkimi aningaasat pappialat nalingisa angissusiisalu assinginik naleqarlutillu angissuseqartunik. Danmarkimitulli Savalimmiuni aningaasat pappialat tulleriiaat pisoqaanerusut aamma

Savalimmiuni akiliutissatut atuupput. Taamaattoq Savalimmiuni aningaasat pappialat Danmarkimi akiliutigineqarsinnaanatik atuutinngillat, kisianni danskit aningaasaannut pappialanut taarserneqarsinnaallutik.

Danskit aningaasaasa pappialat uterteqquneqarneranni Savalimmiuni aningaasat pappialat tullerriiaat atorunnaarsinneqassanngillat. Naalakkersuisut Savalimmiut oqaloqatigalugu aalajangiissapput Savalimmiuni 1000-koruuni pappialaq aammalu Savalimmiuni aningaasat pappialat pisoqaanerusut aamma uterteqquneqassanersut.

Ataatsimoortut immikkuullarissut ukkataralugit

Aningaasat pappialat pisoqaanerusut aammalu 1000-koruunip pappialap 31. maj 2025 kingorna inuiaqatigiinni akiliutigineqarsinnaajunnaarlutik atorunnaarpata, taakkua aningaaserivimmi atorneqarsinnaapput imaluunniit pisiniarfinni atorneqarsinnaallutik.

Piffissami tamatuma kingorna ukiumik ataatsimik sivilissusilimmi, 31. maj 2026 tikillugu, Nationalbankenip aningaasat pappialat, innuttaasuniit suliffeqarfinniillu, aningaasaatiminnik aningaaserivimminni ikisinissamut, aggartitsisarfinni aggartitsisinnaanngitsunit imaluunniit ulloq 31. maj 2025 killigitap naanerani ataasiakkaanik nioqquteqartartuni atornissaannut periarfissaqarsimanngitsunit, aningaasanngortissinnaavai. Taakkua assersuutigalugu tassaasinnaapput innuttaasut Danmarkimi aningaaserivimmi kontoqanngitsut imaluunniit innuttaasut nunanit allaneersut.

Nationalbankenip tunniussisarfi kingusinnerpaamik ulloq 31. januar 2025 ammassapput. Nationalbanken 2024-p ingerlanerani sumi inissisimaffii, ammasarfii kiisalu Nationalbankenip tunniussisarfiinik atuinnissamut maleruagassat piimasaqaatillu pillugit attaveqatiginnissaaq.

Peqquserlunnikkut aningaasarsianik malunnarunnaarsaanermut akiuineq ukkatarinnarneqassaaq

Innuttaasut ilai, aningaasaatiminnik annikitsuinnarmik atuisaraluartut, nalinginnaasuniit annertunerusumik aningaasanik annertunerusunik annertussusilinnik tunniussinissamik pisariaqartitsilersinnaapput, assersuutigalugu aningaasat ileqqaakkat, atorunnaartussanngortut, tunniunneqartussanngornerisa malitsigisaanik.

Aningaaseriviit, aggartitsisarfiit pisiniarfiillu innuttaasuniit suliffeqarfinniillu aningaasanik tigusaqarunik, taakkua peqquserlunnikkut aningaasarsianik malunnarunnaarsaanermut maleruagassat atuuttut malittussaavaat aammalu ullumikkutut misissuisartussaallutik. Uppernarsaanissamut piimasaqaatit maleruagassallu, inuiaqatigiinni aningaasaqarnikkut pinerlunniartarnerit akiorniarnissaannut, aalajangersarneqarput.

Taamaattumik aningaasat inatsisit malillugit pissarsiarineqarsimasut uppernarsarneqarnissaat imaluunniit ilimanaateqalersinnissaa aningaaserivinni piimasaqaatigineqartoq nalaanneqarsinnaassaaq. Uppernarsaanissamik piimasaqaatit suliarineqartussanilu pisussat pisut ilaanni pisariusutut aammalu innuttaasunut suliffeqarfinnullu aningaaserivimmi aningaasanik ikiserusuttunut akornutaasutut, misigineqarsinnaasarput. Aningaasat suminngaaneerfiat naammattumik nassuiarsinnaanngikkunikku, aningaaserivup kontominni aningaasanik ikisinissaq akuerinngikkaat, ilai misigisinnaapput.

Taamaattoq ataasiakkaanut ajoqutaasinnaasut, uagut inuiaqatigiittut aningaasaqarnikkut pinerlunnernut matumik ammaannginnissatsinnit, illuatungilerneqartariaqarput.

Naalakkersuisut pisiniarfinni aningaasanut killiliussap maannakkut 20.000 koruuniusup 15.000 koruuninut appartinneqarnissaa pillugu inatsisissatut siunnersuummik piaartumik saqqummiussiniarput.

Aningaasat pappialat pisoqaanerusut aammalu maannakkut 1000-koruuni pappialaq atorunnaartussaasut innuttaasut paasisutissinneqarsimanissaat, aammalu innuttaasut aningaasat pappialat pisiniarfinni atornissaannut imaluunniit aningaaserivimmi

ikinissaannut periarfissanik killigititanillu ilisimanninnissaat qulakkeerniarlugu, Nationalbankenip oqartussat allat, aningaasalersuinermit suliassaqarfik, ataasiakkaanik nioqquteqartartut aammalu soqutigisaqatigiit attuumassuteqartut qanimut suleqatigai.

Nationalbankenip tunniussisarfii ammarpata, taakkua aningaaserivinnut aggartitsisarfinnullu maleruagassat assingi malillugit pinerlunnikkut aningaasarsianik malunnarunnaarsaernermit misissuisassapput.

Nationalbankenip aningaasat pappialat atuutilersissavai

Danmarkimi akiliisarnerit isumannaatsuunissaannut sunniuteqarluartuunissaannullu peqataanissaq Nationalbankenip suliassaanni pingaarnerpaani ilaavoq. Tassani qarasaasiatigut akiliinerit aammalu aningaasanik akiliinerit pineqarput. 1818-miilli Nationalbanken pilersinneqarneraniit, Nationalbanken aningaasanik pappialanik atuutilersitsisarpoq, aammalu nationalbankenimut inatsimmi 1936-meersumi § 8-mi allassimavoq, Nationalbankenimi aningaasat pappialat akiliutissatut inatsisitigut akuerisaasut.

Pisortatigoortumik aningaasat pappialat tullerijaaat pisoqaaneruset aammalu maannakkut 1000-koruuni pappialaq, nalunaarutikkut inuussutissarsionermit ministerimit atuutilersinneqartukkut, 31. maj 2025 aallarnerfigalugu atorunnaarsinneqassapput. Kisianni aningaasat pappialat uterteqquneqarnerat, suliaip ingerlaneranut taaguutaasoq, Nationalbankenimit kaammattuinnikkut pisarpoq.

Suliaqarnermi aningaaseriviit aningaasanik pappialanik, aningaaseriviup sullitaasa kontominnut ikerusutaannik, tiguisarput. Suliassaq taanna aningaaseriviit qanoq suliaqarnermi pisoqartillugu passutissaneraat, aningaaserivinnit ataasiakkaanit aalajangersarneqartarpoq. Passussineq – allanut tamanut ataqatigiissillugu pisartutut – pinerlunnikkut aningaasarsianik malunnarunnaarsaernermit maleruagassat, Aningaasaqarnermit nakkutilliisunit aalajangersarneqartut, naapertorlugit pisarpoq.

Suliniuteqarnernut tunngaviusoq – Nationalbankenip aningaasanut misissueqqissaarnera 2023

Nationalbanken Danmarkimi aningaasanik pappialanik aningaasanillu atuutilersitsinissamut oqartussaavoq, aammalu aningaasanik passussinermut qitiusumi inissisimalluni. Taamaattumik ilungersunartut, inuiaqatigiinni aningaasanik annikitsumik atuiffiusuni innuttaasut suliffeqarfiillu Danmarkimi isumannaatsumik sunniuteqarluartumillu akiliisinnaaginnarnissaannut pingaaruteqartut, paasisarnissaat Nationalbankenimut pingaaruteqarpoq.

Nationalbankenip aningaasat inuiaqatigiinni inissisimanerannik misissueqqissaarnermik tamanut saqqummiussivoq. Misissueqqissaarnermi tikkuarneqarpoq, aamma siunissami Danmarkimi isumannaatsumik sunniuteqarluartumillu akiliisarnissanut tunngavissinissamut, aningaasat pisariaqartinneqartut.

Aningaasanut attaveqaasersuutit Danmarkimi aningaasanik atuisarnerup allannguutaannut ingerlaavartumik naleqqussarneqartarsimasut, misissueqqissaarnerup aamma takutipaa. Innuttaasut suliffeqarfiillu ullumikkut aningaasanik tiguisinnaanissaasa tunniussinnaanissaasalu qulakkeernissaanut tunngatillugu, aningaasanut attaveqaasersuutit pisariaqartut suli atuupput.

Taamaattoq aningaasat pappialat tullerijaaat pisoqaaneruset, suli akiliutigineqarsinnaasutut atuuttut, isumannaatsumik sunniuteqarluartumillu akiliisarnerit tunngavissinnissaannut tunngatillugu pisariaqanngillat. Paarlattuanik innuttaasut amerlasuut taakkua ilisariuminaatsittarpaat, tamannalu aningaasanut taakkununga tatiginninnermit ajoqutaasarpoq. Innuttaasut suliffeqarfiillu aningaasanik isumannaatsumik sunniuteqarluartumillu akiliuteqartarsinnaanerannut 1000-koruuni pappialaq pingaaruteqanngitsoq, misissueqqissaarnermi allassimavoq. Peqatigisaanik ilaatigut pinerlunnernut tunngatillugu 1000-koruuni pappialamut atatillugu inuiaqatigiit aningaasartuuteqartarput

Saqqummersitat



NUTAARSIASSAT

Nutaarsiassat tassaasinnaapput nutaarsiassani ilanngutassiaq imminermi imaluunniit qilanaartuutissaq, Nationalbankenip saqqummersitaanni takinerusuni sukkasuumik paasisimaarinnilersitsisoq. Nutaarsiassat ilinnut paasinnilertornissamik pisariaqartitsisumut aammalu ersarissumik takussutissiisunik nuannerinnittumut tunngatinneqarput.



NAATSORSUEQQISSAARNERMI NUTAARSIASSAT

Naatsorsueqqissaarnermi nutaarsiassani kisitsisit nutaanerpaat aammalu Nationalbankenip naatsorsueqqissaarnerini takuneqartartut, ukkatarineqarput. Naatsorsueqqissaarnermi nutaarsiassat ilinnut maannakkut aningaasaqarnikkut paasissutissani sukkasuumik paasinnerusuttumut saaffiginnipput.



NALUNAARUSIAQ

Nalunaarusiat Nationalbankenip suliassaqarfii suliffeqarfialu pillugit uteqattaartumik nalunaarutaapput. Uani ilaatigut Nationalbankenip ukiumoortumik nalunaarusiaa takusinnaavat. Nalunaarusiat ilinnut killiffissiornissamik pisariaqartitsisumut aammalu piffissani qaangiuttuni pisimasunik malinnaarusuttumut tunngatinneqarput.



MISISSUEQQISSAARNEQ

Misissueqqissaarnermi maannakkut sammisat, Nationalbankenip siunertaanut immikkut attuumassuteqartut, ukkatarineqarput. Misissueqqissaarnerit aamma Nationalbankenip inassuteqaataanik imaqsinnaapput. Uani ilaatigut Danmarkimi aningaasaqarnermut ilimasaarutigut aammalu aningaasaqarnikkut patajaassutsimik naliliinerput takusinnaavatit. Misissueqqissaarnerit ilinnut, aningaasaqarnermut aningaasalersuinemullu tunngasunut annertuumik soqutiginnittumut, saaffiginnipput.



ECONOMIC MEMO

Economic Memo misissueqqissaarnermik suliaqarnermi Nationalbankenimi sulisut aallartissimasaanni paasititsivoq. Economic Memo assersuutigalugu tunngaviusunut misissueqqissaarnernik periaatsillu nassuiarneqarnerannik imaqarpoq. Economic Memo pingaartumik ilinnut, aningaasaqarnikkut aningaasalersuinikkullu misissueqqissaarnernut ilisimasaqareersumut, saaffiginnippoq.



WORKING PAPER

Working Paper Nationalbankenimi suleqatigisartakkatsinnilu sulisut ilisimatusarnermik suliaqarnerannik saqqummiivoq. Working Paper pingaartumik ilinnut qitiusumi aningaaseriveqarnermik suliaqarnerup kiisalu aningaasaqarnerup iluanni aningaasalersuinerlu atitunerusumik isigalugu ilinniarsimalluni suliaqartumut aammalu ilinnut, ilisimatusarnermut soqutiginnittumut, saaffiginnippoq.

Danmarkimi Nationalbanki
Langelinie Allé 47
2100 København Ø
+45 3363 6363



**DANMARKS
NATIONALBANK**

Aningaasat pappialat, atorunnaartussat

Aningaasat pappiat 1944-mi, 1952-imi, 1972-imi aamma 1997-imi saqqummersinneqartut tamarmik 31. maj 2025 kingorna akiliutigineqarsinnaajunnaarlutik atorunnaassapput. Aamma 1000-koruunit 2009-mitulleriaaneersut atorunnaassapput.

31. maj 2025 kingorna



1944

Tullerriiat
taarserneqartussat



1952

Inuup assingi aamma
pinngortitameersut



1972

Inuup assingi
aamma uummasut



1997

Inuup assingi aamma
oqaluffiit eqqumiitsuliat



2009

Ikaartarfiit aamma
itsarsuarnitsat

5 koruunit

Aningaasaq pappialaq una kontumut ikineqarsinnaangilaq. Taanna 1954-imilli akiliutigineqarsinnaajunnaarluni atorunnaarpoq.



10 koruunit

Sananeqarami 1944-minngaaneqqartoq. Aningaasaq pappialaq una kontumut ikineqarsinnaangilaq. Taanna 1954-imilli akiliutigineqarsinnaajunnaarluni atorunnaarpoq.



Sananeqarami 1947-meersoq nutartigaq. Aningaasaq pappialaq una kontumut ikineqarsinnaangilaq. Taanna 1954-imilli akiliutigineqarsinnaajunnaarluni atorunnaarpoq.

50 koruunit

Saqqummersinneqarpoo 2-ni assigiinngitsuni. Tunguusaq qaamasoo aamma tunguusaq taartoq.



100 koruunit

2-ni assigiinngitsuni. Qorsuk qaamasoo aamma qorsuk taartoq.



500 koruunit



Tulleriat 1943-mi aamma 1944-mi isertortumik ineriartortinneqarput. Taanna sorsunnersuit aappaata naariitsiarnerata kingorna aningaasanik paarlaassinermi 1945-mi atorneqarpoq. Aningaasat pappialat amerlanersaasa saqqaat qalipaasup titartaasartullu Gerhard Heilmannip titartagarai.

Nalingi

5, 10, 50, 100 aamma 500 koruunit

Ilisarnaatit

5 koruunit

Atuutilersinneqarpoo: 1945

Angissusaa: 130 x 72 mm

Assiliartai:

Kisitsisit fammit nuiuttut | Piluttat illoqqasut qeqqaniilluni naalagaaffiup ilisarnaataa mikisoq.

10 koruunit

Atuutilersinneqarpoo: 1945-1947

Angissusaa: 131 x 80 mm | 130 x 80 mm

Assiliartai (nutarterlugu sananeqartoq):

Qeqquat pinnersaatigalugit | piluttat illoqqasut qeqqaniilluni naalagaaffiup ilisarnaataa mikisoq.

50 koruunit

Atuutilersinneqarpoo: 1945

Angissusaa: 156 x 100 mm

Assiliartai:

Umiatsiaq aalisartunik ilaasulik | Piluttat illoqqasut qeqqaniilluni naalagaaffiup ilisarnaataa mikisoq.

100 koruunit

Atuutilersinneqarpoo: 1945

Angissusaa: 156 x 100 mm

Assiliartai:

Qeqquat pinnersaatigalugit aarluarsunnit ungaluneqarsimalluni | Piluttat illoqqasut qeqqaniilluni naalagaaffiup ilisarnaataa mikisoq.

500 koruunit

Atuutilersinneqarpoo: 1945

Angissusaa: 174 x 108 mm

Assiliartai:

Naasorissaasoq assallatserutip hiistinit kalinneqartup tunuani | Piluttat illoqqasut qeqqaniilluni naalagaaffiup ilisarnaataa mikisoq.

1952 Inuup assingi aamma pinngortitameersut

5 koruunit



10 koruunit

Sananeqarami 1952-
iminngaaneqqartoq.
Aningaasaq pappialaq una
kontumut ikineqarsinnaanngilaq.
Taanna 1954-imiilli
akiliutigineqarsinnaajunnaarluni
atorunnaarpoq.

Sananeqarami
1954-imeersoq nutartigaaq.





50 koruunit



100 koruunit



500 koruunit



Aningaasat pappialat illussanik
titartaasartup aamma
assiliartalersuisartup Gunnar Biilmann
Petersen-ip, Nationalbankenimi
titartaasartup Gunnar Andersen-ip
kiisalu titartaasartup illussanillu
titartaasartup Ib Andersen-ip akornanni
suleqatigiinnerisigut ilusilersorneqarput.
Aningaasat pappialat saqqaanni danskit
tusaamasat assingi aammalu tunuanni
pinngortitameersut takuneqarsinnaapput.

Nalingi

5, 10, 50, 100 aamma 500 koruunit

Ilisarnaatit

5 koruunit

Atuutilersinneqarpoq: 1952
Angissusaa: 125 x 65 mm
Assiliartai:
Thorvaldsen aamma marmorimik qiperugaq
"Pinnersut pingasut" | Vor Frue Kirke,
Kalundborg.

10 koruunit

Atuutilersinneqarpoq: 1952/1954
Angissusaa: 125 x 65 mm | 125 x 71 mm
Assiliartai:
H. C. Andersen aamma ungasorsuup inaa
Asminderød-imiittoq | Egeskov Mølle.

50 koruunit

Atuutilersinneqarpoq: 1957
Angissusaa: 153 x 78 mm
Assiliartai:
Ole Rømer aamma Rundetårn |
Stenvad langdysse Djursland-imi.

100 koruunit

Atuutilersinneqarpoq: 1962
Angissusaa: 155 x 78 mm
Assiliartai:
H. C. Ørsted aamma pujorsiu
innaallagiatortumik
ledningitaqartoq | Kronborg.

500 koruunit

Atuutilersinneqarpoq: 1964
Angissusaa: 175 x 90 mm
Assiliartai:
Christian Ditlev Frederik Reventlow aamma
naasorissaasoq hiistimik assallatserummillu
nassartoq | Roskilde Domkirke.

1972 Inuup assingji aamma uummasut

31. maj 2025
kingorria atorunnartussat

10 koruunit



20 koruunit



50 koruunit



100 koruunit

Saqqummersinneqarpoq
2-ni assigiinngitsuni



Nutarterlugu
sananeqarpoq1995-imi



500 koruunit



1000 koruunit



Aningaasat pappialat saqqaanni takuneqarsinnaapput inuup assingji, danskip qalipaasup Jens Juel-ip qalipagai tunngavigalugit kigartorneqarsimasut. Aningaasat pappialat tunuanni uummasut titartaasartup aamma illussanik titartaasartup Ib Andersen-ip kiisalu Nationalbankenip titartaasartuata Gunnar Andersen-ip imilertarissanik titartagai aammalu titartarlugit sanaavi malillugit suliarineqarput.

Nalingi

10, 20, 50, 100, 500
aamma 1000 koruunit

Ilisarnaatit

10 koruunit

Atuutilersinneqarpoq: 1980
Angissusaa: 125 x 72 mm
Assiliartai: Cathrine Sophie Kirchhoff | Miteq, arnaviaq kusanarluinnartunik meqqulik.

20 koruunit

Atuutilersinneqarpoq: 1980
Angissusaa: 125 x 72 mm
Assiliartai: Pauline Tutein | Timmiaaqqat.

50 koruunit

Atuutilersinneqarpoq: 1975
Angissusaa: 139 x 72 mm
Assiliartai: Engelke Charlotte Ryberg | Karsusse.

100 koruunit

Atuutilersinneqarpoq: 1974/1995
Angissusaa: 150 x 78 mm
Assiliartai: Imminut assililluni Jens Juel | Pakkaluaq "aappaluttumik saqqarmiulik".

500 koruunit

Atuutilersinneqarpoq: 1974
Angissusaa: 164 x 85 mm
Assiliartai: Arnaq tusaamasaanngitsoq, ilimanarpoq Franziska Genoveva von Qualen | Sisamavileeraq.

1000 koruunit

Atuutilersinneqarpoq: 1975
Angissusaa: 176 x 94 mm
Assiliartai: Thomasine Heiberg | Sissinguaq.

1997 Inuup assingi aamma oqaluffit eqqumiitsuliat

31. maj 2025
kingorria atorunnartussat

50 koruunit

Saqqummersinneqarpoq 2-ni assigiinngitsuni



100 koruunit

Saqqummersinneqarpoq 2-ni assigiinngitsuni



200 koruunit

Saqqummersinneqarpoq 2-ni assigiinngitsuni




500 koruunit

Saqqummersinneqarpoq 2-ni assigiinngitsuni



1000 koruunit

Saqqummersinneqarpoq 2-ni assigiinngitsuni



Aningaasat pappialat Nationalbanken-ip titartaasartuanit Johan Alkjær-imit ilusilersorneqarput. Saqqaani takuneqarsinnaapput danskit eqqumiitsuliortut ilisimatuullu assingi, tunua kulturinit aamma oqaluffinnik eqqumiitsulianik kusassagaalluni.

Nalingi

50, 100, 200, 500 aamma 1000 koruunit

Iisarnaatit

50 koruunit

Atuutilersinneqarpoq: 1999/2005

Angissusaa: 125 x 72 mm

Assiliartai:

Atuakkiortoq Karen Blixen | Kentaur, Landet Kirke, Tasinge-mi.

100 koruunit

Atuutilersinneqarpoq: 1999/2002

Angissusaa: 135 x 72 mm

Assiliartai:

Erinniortoq Carl Nielsen | Uummasorujuk Vester-imi Tømmerby Kirke-meersoq.

200 koruunit

Atuutilersinneqarpoq: 1997/2003

Angissusaa: 145 x 72 mm

Assiliartai:

Isiginnaartitsisartoq Johanne Luise Heiberg | Liiveq Viborg Domkirke-mi oqaluffiup qinnguani uiguani qaarajuttumiittoq.

500 koruunit

Atuutilersinneqarpoq: 1997/2003

Angissusaa: 155 x 72 mm

Assiliartai:

Atomfysikeri Niels Bohr | Sakkutooqqinneq sorsuutininik atisalik aamma uummasorujuk Lihme Kirke-mi kuisivimmiittoq.

1000 koruunit

Atuutilersinneqarpoq: 1997/2003

Angissusaa: 165 x 72 mm

Assiliartai:

Assilialiorlutik eqqumiitsuliartut Anna aamma Michael Ancher | Bislev kirke-mi unammiaartarfik.

2009 Ikaartarfiit aamma itsarsuarnitsat


31. maj 2025
kingorna atorunnaartussat

1000 koruunit

Saqqaa



Tunua



Tulleriiaani aningaasat pappialat tamarmik assiliartai Karin Birgitte Lund-imit ilusilersugaapput. Qulequtarineqarput ikaartarfiit itsarsuarnitsallu.

1000-koruunini pappialani takuneqarsinnaapput Storebælt-imi ikaartarfik aamma Solvognen Trundholm Mose-miittoq.

1000-koruuni pappialaq tulleriiaani aningaasat pappialat 31. maj 2025 kingorna atorunnaartussat kisiartaraat.

Nalingi

1000 koruunit

Ilisarnaatit

1000 koruunit

Atuutilersinneqarpoq: 2011

Angissusaa: 165 x 72 mm

Assiliartai: Storebælt-imi ikaartarfik | Solvognen, Trundholm Mose-meersoq.